

**Ti Whole Farm Revenue Program (WFRP) Crop Insurance iti Hawaii wenko
Programa a Pannakaiseguro dagiti Apit iti Hawaii
Manipud iti Entero a Mapastrekan ti Pagtalonan**

*Ti panangitarus ket impaay ti Hawaii Language Bank nga adda idiay Pacific Gateway Network
Babaen iti Katulagan #14-IE-53300-009*

Ti Whole-Farm Revenue Protection (WFRP) wenko programa a Mangipaay ti Proteksion dagiti Apit Manipud iti Entero a Mapastrekan ti Pagtalonan ket baro a programa a nairanta para kadagiti pagmulmulaan ken pagtartakenan nga addaan iti naipangpangruna a klase ti mula wenko organiko a produkto (agpada dagiti mula ken taraken nga ayup iti pagtalonan) ken para kadagiti aglaklako kadagiti lokal wenko direkta a paggatangan. Palubusan ti programa dagiti mannalon a mangiseguro iti amin a produktoda babaen iti maymaysa a *policy* wenko pagannurotan a kabaelanda a bayadan. Dagiti mabalin nga iseguro a produkto ket ti pakairamanan, ngem saan a limitado kadagitoy, ti abokado, saba, repolyo, celery, mais, pipino, tarong, laya, bayabas, herbaka (pagrekado a mula), letsugas, mangga, melon, uong, lasona/sibuyas, pinia, rabanos, kalunay, karabasa, *strawberries*, daldaligan, nasam-it a lasona, sili, patatas, aba, kamatis, *zucchini*, ken dagiti mula wenko lames a mapatanor iti danum wenko *aquaculture*.

Dagiti kangrunaan a rekisito para iti sakup ti WFRP ket kasapulanna a sika ket:

- Masapul a kwalipikado nga umawat iti Federal a benepisio;
- Masapul a maysaka a *citizen* wenko umilika wenko residente iti US; ken
- Masapul a nagbayadka iti nagsaruno a 3 a tawen iti federal a buis manipud iti panagtalon.

Ipaay ti WFRP ti proteksion tapno saan a malugi iti namnamaen a mapastrek gapu kadagiti idadateng ti didigra a kas iti dakes a panawen, uram, insekto, sakit ti mula, ginggined, panagbettak ti bulkan, pannakaawan ti padanum iti irigasion a gapu iti pannakadadael, dagiti atap nga ayup, ken panagbaba ti presio.

Madadaan ti WFRP kadagiti agmulmula iti *counties* wenko luglugar nga administratibo iti Hawaii, Kauai, Honolulu, ken Maui. Ti maudi a petsa ti panagiparehistro para iti WFRP ket iti kada Marso 15 iti tunggal tawen.

Ti sakupen a lebel ti seguro ket manipud 50 porsiento agingga iti 85 porsiento. Saan a madadaan ti sakup iti Catastrophic Risk Protection (CAT). Magunggunaan dagiti agmulmula iti nadumaduma a klase iti panagtalonan babaen ti panangpilida ti nangatngato a lebel ti masakupan tapno umawatda met iti dakdakkal a subsidia wenko tulong. Mabalin nga mabayadan ti *premium* wenko kontribusionyo agingga iti 80% no addaankayo la ketdi iti dua a kwalipikado a produkto.

Para iti ad-adu pay nga impormasion wenko no kayatyo ti agparehistro iti daytoy a programa, kontakenyo ti ahente ti seguro para kadagiti mula. Ti listaan dagiti ahente ti seguro para kadagiti mula ket madadaan a maala iti isu amin a sentro ti serbisio ti USDA ken iti RMA website iti www3.rma.usda.gov/apps/agents/

Iparit ti U.S. Department of Agriculture (USDA) ti ania man a diskriminasion iti amin a programa ken aktibidad maigapu iti puli, kolor ti kudil, nagtaudan a pagilian, tawen, kinabaldado, ken no mayaplikar, seks, kasasaad ti estado (naasawaan wenko saan), kasasaad a kas nagannak, relihion, orientasion a seksual, impormasion maipapan iti *genetic*, pammati a politikal, panagibales, wenko gapu ta amin wenko paset ti mapaspastrek ti individual ket naggapu iti ania man a programa a tulong manipud iti publiko. (Saan amin a maiparit a pagibasaran ti mayaplikar iti amin a programa.) Dagiti tao nga adda kinabaldadoda a makasapul iti alternatibo a wagas ti komunikasion maipapan iti impormasion iti programa (Braille, dakkal a letra, audiotape wenko nairekord a boses, ken dadduma pay) ket mabalinda a kontaken ti USDA's TARGET Center iti telepono 202-720-2600 (boses ken TDD). No mangidatag iti reklamo iti diskriminasion, kompletuen, pirmaan ken ibuson ti Pormas ti Panagreklamo iti Programa a Diskriminasion, (madadaan iti ania man nga opisina ti USDA wenko babaen ti online iti www.ascr.usda.gov), idiay: United States Department of Agriculture; Office of the Assistant Secretary for Civil Rights; 1400 Independence Ave., SW; Washington, DC 20250-9410. Wenko umawag iti libre iti (866) 632-9992 (boses) tapno makaala iti nayon pay nga impormasion, ti umisu nga opisina wenko para iti kiddawen a dokumento. Dagiti individual a tuleng, marigatan a makangeg, wenko saan a makapagsao ket mabalinda a kontaken ti USDA babaen ti serbisio ti Federal Relay iti (800) 877-8339 wenko (800) 845-6136.